

Ինչպե՞ս աճիլ հոգեւորապէս


Քրիստոսը իր կեանքին մէջ ընդունող մարդը իր հոգեւոր կեանքին մէջ տեղքայլ պէտք չէ ընէ: Եթէ տեղքայլ ընէ, այլ խօսքով, եթէ չաճի իր հաւատքին մէջ, եթէ չհասուննայ Աստուծոյ հետ իր սիրալիր ու սուրբ յարաբերութեան մէջ, այդ կը նշանակէ, թէ իր հոգեւոր կեանքը սխալ ընթացքի մէջ է: Նման պարագային, պէտք է դիմէ իրմէ աւելի հոգեւոր փորձառութիւն ունեցող անձի մը խորհրդատուութեան: Միայն եկեղեցի երթալով, Սուրբ Հաղորդութիւն առնելով եւ պատարագի մասնակցելով չենք աճիր: Աճելու համար խիստ անհրաժեշտ են երեք բաներ.

- 1) Աղօթքով ամեն օր մենիկ պահ մը անցընել Աստուծոյ հետ
- 2) Սուրբ Հոգիին առաջնորդութեամբ Ս. Գիրքի ընթերցում կատարել
- 3) Հետեւիլ հոգեւորապէս աճած ու փորձառու անձի մը թելադրութիւններուն:

ՍԱՂՄՈՍ 9

Բայց դուն գիտես եւ կը տեսնես անպաշտպան մարդոց ցան ու տառապանքները, եւ դուն ինքդ անոնց դատին պաշտպանն ես: Տկարը ինքզինք քեզի՝ կը յանձնէ, դուն ես որքին օգնականը:

ՀԱՅՑ. ԱՌԱՔԵԼԱԿԱՆ ԵԿԵՂԵՑԻՈՅ Ս. ՊԱՏԱՐԱԳ



ՊԼՏՊԼՂԻ ԽՈՐՀՈՐԴԻՆ ՀԱՅՏԼՏՈՒՄԸ

2.- Պատրաստութիւն ընծաներուն

Գ.- ԲՈՒՆ Ս. ՊԱՏԱՐԱԳ կամ ՀԱՒԱՏԱՅԵԱԼՆԵՐՈՒ Ս. ՊԱՏԱՐԱԳ ԽԱՂԱՂՈՒԹԻՒՆ ԱՄԵՆԵՅՈՒՆ


«Կը դաւանիմ եւ կը հաւատամ, թէ Քրիստոս ես դուն, Աստուծոյ Որդին, որ աշխարհի մեղքը վերցուցիր»:

Ապա կը բեկանէ նշխարը, չորս մասերու կը բաժնէ Փրկչին Մարմինը խորհրդանշող նշխարը, ըսելով.- «Լրումն Սուրբ Հոգիին»:

Հասած է պահը հաղորդուելու. նախ պատարագիչ քահանան ինք կը հաղորդուի՝ ճաշակելով Քրիստոսի կենարար Մարմինը, ըսելով.- «Հաստատապէս կը հաւատամ ամենասուրբ Երրորդութեանդ. Հօրը, Որդիին եւ Սուրբ Հոգիին»:

Հաւատալով կը ճաշակեն սուրբ, կենդանարար եւ փրկարար Մարմինդ, թ՛վ Քրիստոս, իմ Աստուծաւ, մեղքերուս թողութեան համար»:

Շարունակելի



ՔՈՒ ԽՕՍՔԻ ԽՍ ՂՅՔԵՐՈՒՄ ԵՐԱԳ Է ՈՒ ԽՍ ՇԱԽԴՆԵՐՈՒՄ ԼՈՅՍ (ՍՂ.119.105)

ԺՂ. ՏԱՐԻ

ԿԻՐԱԿԻ, 9 ՄԱՐՏ 2025

ԹԻՒ 10

ԿԻՐԱԿԻ ՕՐԵՐՈՒ ԱՏՈՒՄԾԱՇՆՉԱԿԱՆ ԸՆԹԵՐՑՈՒՄՆԵՐ

Ես. 33.2-22: Հո. 12.1-13.10: Ստք. 5.17-48

**ՅԻՍՈՒՄ ԵՐԻՍՏՈՍԻ ԱՒԵՏԱՐԱՆԸ
ԸՍՏ ՄԱՏԹԵՈՍԻ 5.17-48**

Մի՛ կարծէք, թէ եկայ Մովսէսի Օրէնքը կամ մարգարէներու ուսուցումները ջնջելու: Չեկայ ջնջելու, այլ՝ ամբողջացնելու: Հաստատ գիտցէ՛ք, որ բոլոր Օրէնքներն ու մարգարէութիւնները կէտ առ կէտ պիտի իրականանան առանց բառ մը իսկ դուրս ձգելու, մինչեւ գայ այն օրը, երբ այս երկինքն ու երկիրը պիտի անցնին: Ով, որ ամենափոքր պատուիրանն իսկ զանց ընէ եւ ուրիշներուն ալ պատուիրէ նոյնը կատարել, երկինքի արքայութեան մէջ յետինը պիտի նկատուի: Իսկ ով, որ գործադրէ պատուիրանները եւ նոյնը ուսուցանէ, մեծ պիտի ըլլայ երկինքի արքայութեան մէջ: Կ'ըսեմ ձեզի, երկինքի արքայութենէն ներս կրնաք մտնել ա՛յն ատեն միայն, երբ Աստուծոյ պատուիրաններուն նկատմամբ իրենց հաւատարմութիւնը փարիսեցիներուն եւ օրէնքի ուսուցիչներուն ունեցած հաւատարմութենէն աւելի ըլլայ:

Լսեր էք, որ անցեալին ըսուած է. «Մի՛ սպաններ, որովհետեւ ան որ կը սպաննէ, պիտի դատապարտուի»: Իսկ ես կ'ըսեմ ձեզի. Ով, որ առանց պատճառի իր եղբօր դէմ բարկանայ, պիտի դատապարտուի: Ով, որ իր եղբայրը յիմար կոչէ, դարձեալ ատեան պիտի բերուի կամ ան, որ իր եղբայրը անմիտ կոչէ, Գեհեննի կրակին պիտի դատապարտուի: Եթէ գոհի սեղանին վրայ ընծադ Աստուծոյ մատուցանելու ատեն յիշես որ եղբայրդ վշտացած է քեզմէ, ձգէ՛ ընծադ սեղանին առջեւ, գնա՛ նախ հաշտուէ՛ եղբօրդ հետ եւ ապա եկու՛ր եւ ընծադ Աստուծոյ մատուցանէ՛:

Երբ մէկը խնդիր ունի քեզի հետ եւ դատի կը կանչէ քեզ, սկիզբէն համաձայնութեան եկուր անոր հետ, երբ տակաւին ժամանակ ունիս, այլապէս՝ քեզ դատաւորին կը յանձնէ, դատաւորն ալ՝ ոստիկանին եւ բանտ կը նետուիս: Վստահ եղի՛ր, թէ բանտէն պիտի չելլես մինչեւ որ տուգանքիդ վերջին դահեկանը չվճարես:

Լսեր էք որ ըսուած է. «Մի՛ շնար»: Իսկ ես կ'ըսեմ ձեզի, թէ ով որ ցանկութեամբ նայի ռեւէ կնոջ՝ արդէն իսկ իր սիրտին մէջ շնութիւն ըրած կ'ըլլայ անոր հետ: Եթէ աջ աչքդ քեզ կը գայթակղեցնէ, հանէ՛ եւ նետէ՛ գայն, որովհետեւ նախընտրելի է, որ անդամներդ մէկը կորսնցնես քան թէ ամբողջ մարմնով դժոխք նետուիս: Եթէ աջ ձեռքդ քեզ կը գայթակղեցնէ, կտրէ՛ ու նետէ՛ գայն, որովհետեւ նախընտրելի է որ անդամներդ մէկը կորսնցնես, քան թէ ամբողջ մարմնով դժոխք նետուիս:

ՍՈՒՐԲԵՐ ԵՒ ՏՕՆԵՐ

ԹԵՈՂՈՐՈՍ ԶՕՐԱՎԱՐ

Ամասիոյ Սարու գիւղէն՝ բարեպաշտ ծնողքի զաւակ, կը պատկանէր Մաքսիմիանոսի օրով զինուորներու այն կարգին, որ կը կոչուէր դիւռն, այսինքն «նորամուտ»: Ճամբորդած միջոցին օր մը հանդիպեցաւ ահագին վիշապի մը, զոր սպաննեց նիզակով եւ հաւատքով: Յետոյ, երբ յայտնուեցաւ քրիստոնէութիւնը, քննութեան կանչուեցաւ, համարձակ խոստովանեցաւ ստուգութիւնը, եւ բացի այդ, գիշեր ատեն կրակի տըւաւ մեծագոյն աստուածուհի Ռէայի մեհեանը: Այս պատճառաւ սաստիկ քանակոծուել վերջ բանտ նետուեցաւ, ուր երկնային տեսիլքի մխիթարութիւնն ունեցաւ: Կրկին հարցաքննութենէ վերջ այրեցին սուրբը 306-ին: Նշխարները ամփոփեց Եւսեբիա անունով տիկին մը իր տան մէջ, որ յետոյ եկեղեցիի վերածուեցաւ:

Հայ Եկեղեցւոյ տօնացոյցին համաձայն Թեոդորոս Զօրավարին տօնը կը զուգադիպի Շաբաթ՝ 8 Մարտ, 2025-ին:

ԱՌԱՎ. ԳԼՈՒԽ ԺԵ. 10-12

Բարի մարդուն խրատը ընդունելի է հարազատներուն համար, իսկ անոնք որ յանդիմանութեան չեն հանդուրժեր՝ վարկաբեկիչ վախճան պիտի ունենան:

Երբ մահն ու կորուստը յայտնի են Տիրոջ, որքան եւս առաւել՝ մարդոց սրտերը:

Անուղղայ մարդը չի սիրեր զինք յանդիմանողը եւ չի հաղորդակցիր գիտակից մարդուն հետ:

ՀԱՐՑՈՒՄ ՊԱՏԱՍԽԱՆ ԲԱԺԻՆ

Պահեցողութիւնը պարտաւորիչ հրահանգն է հաւատացեալներուն համար

Ոչ: Պահեցողութիւնը պարտաւորիչ հրահանգ մը չէ. այլ՝ յանձնարարելի կանոն: Պահեցողութիւնը պէտք է ըլլայ ինքնաբոլիս նուիրում մը, կամաւոր զոհողութիւն մը եմթակային կողմէ՝ առ Աստուած:

Եկեղեցին պահքի օրեր հաստատած է ժողովուրդը ուղղելու, չափաւորութեան եւ ժուժկալութեան վարժեցնելով՝ Աստուծոյ մօտեցնելու համար: Պահքը թէւ պարտաւորիչ չէ սկզբունքով, սակայն եկեղեցւոյ վերին իշխանութիւնը հարկ եղած պարագային իր ժողովուրդը որկրամոլութեան ախտէն եւ կերութեամբներուն յառաջացուցած մեղքերէն ձերբազատելու համար՝ իրաւասութիւն ունի պահքի օրեր հաստատելու եւ անոնց գործադրութիւնը հետապնդելու: Այդպիսի պարագաներուն, հաւատացեալ ժողովուրդին պարտականութիւնն է հնազանդի իր առաջնորդներուն եւ կատարել անոնց թելադրանքները յօժարակամ սրտով:

Պահքի համար սահմանուած են շաբթուան երկու օրերը՝ Չորեքշաբթի եւ Ուրբաթ: Չորեքշաբթին յիշել կուտայ Քրիստոսի մատնութիւնը, իսկ Ուրբաթ օրը՝ յիշատակութիւնն է Քրիստոսի չարչարանքներուն:

Հ ՈԳԵՒՈՐ ՊԱՏ ԳԱՄ

ԱՇԽԱՏՐՆԵ ՄԵՐ ՀԱՅԵԱՅԵՐ ՍԵՒԵՈՒՄՔՐԻՍՏՈՍԻ, ՈՐ ՅԱՂԹԱԿԱՆՈՐԷՆ ՄԵՋԻ ԿՐ ՍՊԱՍԷ

«Յիսուս կանգնած էր ջուրին եւ վերքը»: Հայրերէն մին խօսելով այս բառերուն մասին՝ կ'ըսէ. «Քրիստոս անցաւ Գողգոթայի փոթորկալից ծովէն, արիւնի ծովէն, եւ աւարտեց իր գործը՝ իրագործելով մարդկութեան փրկութիւնը, բայց այժմ, ան կը կանգնի ծովուն եկերքը, անոր ափին, յաղթականօրէն եւ հպարտօրէն, սակայն իր աշակերտները տակաւին փոթորկալից ծովուն վրայ են, որովհետեւ 37 կատարելիք գործ ունին, կը պայքարին եւ կ'աշխատին»:

ՄԵՐ ՍՈՐՎԵԼԻՔ ՀՈԳԵՒՈՐ ՂԱՍԸ

Սիրելիներ, այնքան ատեն երբ փոթորկալից այս աշխարհին եւ այս մարմինին մէջ ենք, ընելիք ունինք, տանելիք աշխատանք ունինք, թափելիք բրտինք ունինք: Պէտք է ընենք այդ բոլորը անվախօրէն եւ մնայուն կերպով: Պէտք է ժրաջանօրէն, յոյսով եւ հաւատքով աշխատինք, եթէ երբեք կ'ուզենք կեանքի ծովուն եկերքը հասնիլ եւ հոն Քրիստոսի հետ միասին յաղթականօրէն կանգնիլ: Հոն է Քրիստոս, փոթորկալից կեանքի ափին, յաղթականօրէն մեզի կը սպասէ:

Աստուած բոլորիս անփորձանք պահէ Տիրոջ օրհնութեամբ:

ԵԹԷ ԿԱՄ ԵՐԲ Կ'ՈՒՋԵՍ...

ԵՐԲ Կ'ՈՒՋԵՍ ԳԻՏԱԿԱԼ ԹԷ ԱՍՏՈՒՄՔԻՆԻՆԻՍ ԿՐ ՎԱՐՁԱՏՐԷ ԱՐԿԱՐԸ, ԿԱՐՊԱ՝ ՍԱՂՄՈՍ 84

Ի՛նչ սիրելի է տաճարդ, Ամենակա՛լ Տէր, ամբողջ հոգիով կը ցանկամ եւ կը փափաքիմ գաւիթներուդ մէջ բնակիլ, Տէ՛ր: Սիրտս ու մարմինս ցնծութեամբ կ'օրհներգեն քեզ, անմա՛հ Աստուած: Ընձղուկներն իսկ բոյն կը դնեն Սեղանիդ քով, ծիծեռնակը հոն բոյն կը շինէ իր ձագերուն, Ամենակա՛լ Տէր, իմ Թագաւորս եւ Աստուածս: Երնէ՛կ անոնց, որ տանդ մէջ կը բնակին, որովհետեւ անդադար քե՛զ պիտի օրհնեն: Երնէ՛կ անոնց, որոնց դո՛ւն ես օգնականը: Երնէ՛կ անոնց, որոնք սրտանց կը փափաքին քու տաճարդ ուխտի ելլել: Հապիւ անոնք կ'անցնին Տրտմութեան Հովիտէն, չոր հովիտը ովասիսի կը վերածուի, որովհետեւ աշնանային անձրեւները օրհնութեամբ կ'ողողեն վայն: Կը վօրանան անոնք տակաւ, աւելի եւ աւելի, մինչեւ գան՝ Սիոնի մէջ Աստուծոյ դիմաց կանգնին:

Ո՛վ Տէր, Աստուած Ամենակալ, լսէ՛ աղօթքս, խնդրանքներս մտիկ ըրէ, դուն՝ Աստուածը մեր հայրերուն: Դուն մեր պաշտպանն ես, ո՛վ Աստուած, տես եւ պահէ Օծեալդ:

Կը նախընտրեմ գաւիթիդ մէջ իմ անցուցած մէկ օրս, քան թէ հազար ուրիշ օրեր՝ գաւիթէդ դուրս ապրուած:

Շարունակել սաղմոսէն